

ОРҒАХ АЙЫНЫҢ 19-чы КҮНІНДЕ - ПІСТІН ХАН ХУДАЙЫБЫС ПАЗА АРАЧЫЛАҒЧЫБЫС ИИСУС ХРИСТОСТЫҢ ХУБУЛҒАНЫ

Пістің Хан Худайыбыс Иисус Христостың Фавор тағда Хубулчатханын Аның хынчан үгрөңчілері - Петр, Иоанн паза Иаков көргеннер. Петр - киртіністе - пастағызы, Иоанн - хыныста пастағызы, Иаков, - көп сыдазып, чобағ алынарында пастағызы пол паррып, олар илбек хайхасты көр саларға турыстыра пол парғаннар. Арачылағчының чуртазында пол парған илбек киректерденер, хайзыларын олар көргеннер, постарының холларынаң пас салған тоғыстарын олар піске артыспааннар. Петр илчі ле позы пасхан пічинде сағысха кирче, хайди ол паза пасха үгрөңчілер Христоснаң хада ап-арығ тағда полғаннарын, паза, хайди Тигірдегі Аданың үні истілгеніненер.

Чохсыхабарчылар Матфей, Марк паза Лука илчілер, Угрөңчінең хада, Фавор тағзар сыхпаан ползалар даа, паза Худай Оолғының сабланызын көрбеен ползалар даа, олар Аның хынчан үгрөңчілерінең истіп алғаннарын піске чоохтапчалар, хайди Христос Позының Тіріл парары алнында хайхасты көргеніненер үгрөңчілеріне чоохтаан полған. Иисус Христостың Фавор тағда Хубулғаннаңар ікінчілебес үчүн, анзынаңар пір ле чахсыхабарчы паспаан, че үс чахсыхабарчы ол уғаа улуг киректенер пас салғаннар.

Кемнің үчүн, паза, ноға Худайның Сағысыразы Хан Худайның Хубулғаннаының киречілері пол парарға оларны таллап алған полчаң, хайзылары ол сабланысты постарының харахтарынаң көрбееннер дее. Че піс киртіністіглер анзына ікінчілебес кирекпіс, іди Худайның Сағысыразы пастағызын Хан Худайның хынчан илчілерін Худай сабланызының киречілеріне таллап алғанына, аңаң ол ап-арығ киректің хайраллағчылары поларға үс чахсыхабарчыны турғыс салғанына. Хубулыстың саблығ киречілері поларға иң не хынчан үгрөңчілерін таллап алғанының сылтаанаңар чахсыхабарчы Лука пасча: пу сөстернің соонаң, сигіс күн пазынаң, Петры, Иоанны паза Иаковты Позынаң хада алып-алып, Иисус Христос Позының Худай-Адазына алданып алар үчүн, тағзар сыххан. Хайдағ нима пол парған полчаң Хубулыс алнындағы сигіс күннің аразында? Че чахсыхабарчы ол тусты таныхтапча, ол илбек кирек пол парған соонда, сигіс күн пазынаң - пасха уғаа улуг киректің соонда, оларның аразында чағын палғалыс пар полар тіп. Иди пол парған: пастағызы - Петр илчі, ікінчізі - Петр, хайзы Христостың кірөсте өлімні алынарын ис салып, Ағаа тоғыр чоохтанарға кирек тіп, санаан. Андағ хорығыстың паза чабал үлүс Худайның Оолғына турыстыра нимес тіп сағынчатханын ол Угрөңчізіне чоохтаан. Мына, хайдағ улуг киректернің соонаң Хан Худай Петры Позынаң хада тағзар алып



алған, че Иоанны паза Иаковты сын сабланысты көрерге тимде полчатханнары үчүн, Ол Позынаң хада оларны алып алған.

Христос чирзер «хул» полып Килгені соонда, Позының Ханының Чирін чазыт іди көртис пирген. Ол Позының Хубулызы алында, сигіс күн пазынаң тіп, ухаанчылап, үгрөңчілеріне чоохтаан: «Сыннаң сірерге чоохтапчам: мында турчатханнарның аразынаң хайпиреелері пар, хайзылары өлімні дее пілбин, Хан Худайның Чирін көр саларлар» (Лк. 9, 27).

Оларның хуттарында наа төрөпчеткен сын киртіністі пик ит салар үчүн, илчілер көмезек тее Хан Худай Чирінің күзін көріп аларға киректер. Иди Худай Оолғы Позын, пос көңнінең, хорығыстың өлімні алынарга Позының бырчыларына пир салчаң тузы чағыннапчатхан, паза сах ол үгрөңчілеріне Аның чобағларының, хыйалларының, пазыныстарының паза Кірөсте тоозылчатханының киречілері пол парарға киліс парар. Хан Худайның Хубулызының көстее паза аның істіндегі сылтаа андағ полған!

Худайның сабланызы көрін парғанда, Христостың илчілері Илия паза Моисей ухаанчыларның Христоснаң чоохтасчатханнарын көр салғаннар. Пулуттарзар, алай ба Худай Оолғының сабланызына кір паррып, олар Тигірдегі Аданың үнін ис салғаннар, Хайзы Позының Оолғының турыстыра полчатханына пик киртіндіріп, Аның чооғынча паза көннің поларға чаххаанын. Ухаанчыларның Кірөстенер чоохтасчатханнарына хайығны айландырып, олар ис салғаннар, - кізі төлі арачылан халар үчүн, Худай Оолғы, пос көннің, Позын хазат саларға кирек полар тіп. Иди Аның хынчан үгрөңчілері Христостың сабланызын постарының харахтарынаң көр саларға турыстыра пол парғаннар. Ол туста олар Худай Оолғының Фавор тағда сабланчатханының Худайлығ көстен паза ол улуг киректі, полар туста Иисус Христостың соонча парчан-

нарның өөн сылтаа полчатханын андада олар чахсы оңар полбааннар. Оларға Худайның Ап-арығ Худы түскен соонда ла оларның хуттығ харахтары азыл парғаннар. «Хачан Часхарыгыч килзе, Мин Аны сірерге Худай-Адамнаң ыс пирем, сынның Худын, Хайзы Адамнаң сыхча, Ол Минненер киречілер, - Иисус Христос теен, - паза сірер дее Минненер киречілер, іди хас-хачанға Миннең хада поларзар» (Ин. 15, 26-27).

Аннаңар он пір илчі, хайзыларына Ап-арығ Хут Сионның төрінде түскен, паза Худай наа ла таллап алған Павел илчі, Арачылағчының чуртазының, сабланызының, кірөсте тоозыл парғанының киречілері пол парғаннар, іди Ап-арығ Хут оларға Худай Оолғынаңар киречілеен, олар Аннаң хада пастағызынаң сығара полғаннар.

Че үс чахсыхабарчыны чахсыхабарлығ улуг киректі тарадарға таллап алғаны паза пір Худайлығ көстег полча. Анзы пісті арачылап халар үчүн, иділ парған. Пуүн сірер илбек үлүкүннің сарыннарын исчер, хайзыларын ап-арығ адалар пас салғаннар. Худайлығ тоғыныста іди сарналча: «Килінер, Хан Худайның тағына сығаанар, паза пістің Худайыбыстың туразына кіріп алып, Аның Хубулчатханының сабланызын көреенер!» Иди Тигіриб пісті Хан Худайның Хубулызының сабланызын көрерге хығырча. Хайдағ оңдайнаң піс Худай Оолғының сабланызын көр саларға кирекпіс? Худыбыснаң көр саларға кирекпіс, хайди ап-арығ илчілер, оларға Ап-арығ Хут түскен соонда, көр салғаннар, паза Хан Худайның хынчан үгрөңчілері Ол Хубулчатханда, хайдағ нима чахсы оңар полбаннарын.

Піс прайзыбыс Ап-арығ Хутты илчілер пастыра позыбысха алын салғабыс, - Тигірибнің Чазыттарында, Кірөсте түскеннен сығара піске дее ідөк хуттан көрер сыйых пиріл парған. Че, амды пілдістіг, Худайның Улуг Кирее аның үчүн үс чахсыхабарчыны таллап алғаны, хайзылары Хан Худайнаң хада Фа-

вор тағда полғаннар, паза, хайзылары Хан Худайның Хубулызының чахсыхабарын таратчаннары пол парарлар, анзы пастыра піс тее худыбыснаң көріп, Христостың үгрөңчілері чили, пик киртіністіг поларға кирекпіс. Прай анзы піске көзідім, үгрөдіг поларға кирек, анзы пісті сын киртіністіг поларға усхутча.

Христостың чуртасха хынчатханнарға сынны ла пілері читкіче нимес, че Худайға сыннан киртініп, ол чолнаң хыйа сых парбазы кирек полча. Павел илчі іди чоохтапча; Хан Худайның Хубулғаны улуг кирек полча тіп, хайзын Христостың соонча сыннан парчатханнар толдырарға киректер. Че пістің істібісте ап-арығ паза чазыт хайраллағчатхан кізі пар полчатханын кем-де пілбинче, хайди ап-арығ илчілер чоохтапчалар, андағ кізі христостың кізі нимес тіп. Сах ол істібістегі кізіні піс пөзіктен пөзікке, сабланыстан сабланысха көдіріп, сын киртіністі чахсы піліп аларға кирекпіс; чабал хынысха тартылчатханын хыйа тастап, чахсы-чалахай киректерні чайап, Худай пирген чахсы күсті позыбыста хайраллирға кирекпіс, хайзын Ап-арығ Тигіриб піске сыйлапча. Олар, хайзылары чирден тигірзер істілерінең чахсы хубул полбааннар, Чалғыс төреен Худай Оолғының сабланызын көр полбастар!

Христостың чуртапчаадып, піс чахсы піліп аларға кирекпіс, хайдағ нима Худайни паза кізіни полчатханын, аннаңар піске Петр илчі чили, Христосха харызарға чарабас. Піске пір дее ікінчілебеске кирек, іди кірөстегі өлім Худай Оолғының турыстыразына пір дее киліспинчеткенін, алай ба пістің чобағларыбыс, хатығ сыныхтағларыбыс, пістің кірөзібіс Хан Худайның христостығларға хынчатханынаң тиннестірчее чоғыл. Пістің істібістегі хубулызыбыс алай ба худыбыснаң наа төреенібіс амғы чуртастың сидік тустарында паза чазыхтарнаң күресчен күс читпинчеткенде, прай анзын пілері уғаа сидік кирек тіп пілерге кирекпіс пе? Прай ол халахтаныстарны Чахсыхабар, хайзы піске пұстан хығырылған, ниик ле хыйа тастабысча. Анда чоохталча, хайдағ хорығыстың тустарда Хан Худайның Хубулызы толдырыл парғаннар, хайдағ синнең Худай Оолғының худы, сағызы Кірөсте чобаларынаң тол парған полған, хайдағ алданыстың көннің Ол Позының Тигірдегі Адазынаң чоохтасхан, паза, хайди Позының хазат саларынаңар Ол ухаанчыларнаң чоохтасхан. Сах ідөк пістің істібістегі хубулызыбыс чуртазыбыстың сидік тустарында пол парча. Піс пір дее хоптаныс чох, Худай пир салған кірөсті сыдамахтың апарарға кирекпіс. Андада ла пістің худыбыс Христостың арачыланыстың чахианаң тол парар: «Кем Миннің соомча парарға хынча, позынаң хыйа саабызып, позының кірөзін алып алзын».

ЕПАРХИЯНЫҢ ЧУРТАЗЫНДАҒЫ КИРӨКТӨРНІҢ ПАЗА АРКАЛАЙНЫҢ ХУДАЙҒА ТОЛДЫРҒАН ТОҒЫНЫСТАРЫНЫҢ ИЗЕРІ

Хандых айының 23-ші күні, Сибирьдегі ап-арығларның Чылылин үлүкүннечен күнде, Ағбанның паза Хакас чирінің Пёзкінапарығ архиепискобы Ионафан Худайға тоғынысты Спасо-Преображенской кафедралық соборында толдырған. Таңдади, Хараағы Худайға тоғынысты пуох соборында ол толдыр салған.

Хандых айының 24-ші күні. Худай Іезінің «Достойно есть» иконазын үлүкүннечен күнде, паза ап-арығ илчилер Варфоломейні паза Варнаваны хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған. Таңдади, Хараағы Худайға тоғынысты ол пуох соборында толдыр салған.

Хандых айының 26-27 күннерінде, Ағбан епархиязының Худайзар хығырчан өмезі Ағбан пилтірі аймаандағы Пичі пазы аалда пол-килген. Ол өменін санына Харатас с. улуг абыс Иоанн Будзар, устагчызы, Худайзар хығырчан пблктің устагчызы улуг абыс Рустик Мшенецкий паза социальная тоғыныстар кіргеннер.

Хандых айының 26-чы күнінде Пичі пазы аалның алты кічиг чуртагчызы кірөске түскен. Олох туста улуг абыс Рустик Мшенецкий Худайға тоғынысты толдырған, хайда киртіністіглер азых искірінгеннер. Кірөске түзіп алғаннар Христостың Ап-арығ Чазыдын алынғаннар.

Хандых айының 28-ші күні. Ап-арыгычты Ионны, Москва митрополидин паза ухаанчы Амосты хумартхылачан күнде, Ағбанның паза Хакас чирінің архиепискобы Ионафан Худайға тоғынысты Ағбан с. Москва Ап-арыгчыларының Худай туразында толдырған.

Хандых айының 30-чы күні. Худай Іезінің «Боголюбская» иконазын үлүкүннечен күнде, паза Леонтий, Ипатий паза Феодул чобагчыларны хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 5-ші күні. Епархияның актовай залында, Ағбанның паза Хакас чирінің архиепискобы Ионафанның устаанынан, XXXIV-ші хутхадарчылығ конференциясы ирткен.

От айының 5-ші күні. Худай Іезінің Владимирской иконазын үлүкүннечен күннің таңдади, паза ап-арыгчобагчы Агриппинаны хумартхылачан күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 6-чы күні. Худай Іезінің Владимирской иконазын үлүкүннечен күнде, паза ап-арыгчобагчы Агриппинаны хумартхылачан күнде, Обнхутхадарчызы Худайға тоғынысты Спасо-Преображенской кафедралық соборында толдырған.

От айының 6-чы күні. Хан Худайның Кірөстегчизи, Алнындапарчатхан ухаанчы Иоанның Төреенін үлүкүннечен күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 7-ші күні. Хан Худайның Кірөстегчизи, Алнында парчатхан ухаанчы Иоанның Төреенін үлүкүннечен күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 8-ші күні. Худайғасын чобагчы Феврония хыстың паза ап-арыг чаксыкиртіністіг Петр пигнің паза пиг-ипчи Февронияның, Муромдағы хайхасчайачаннарның хумартхылазын үлүкүннечен күнде, Ағбанның паза Хакас чирінің архиепискобы Ионафан Худайға тоғынысты Харатас с. Худайтөреткеннің Төреені Худай туразында толдырған.

От айының 9-10-чы күннері. Худайғасын Сампсонны хумартхылачан күнде, Ағбан пилтірі аймаандағы Доможаково аалзар Худайзар хығырчаннар чорыхха сыхханнар. Ол чорыхта Харатас округының улуг абызы Иоанн Будзар,

епархияның Худайзар хығырчан пөлинин устагчызы улуг абыс Рустик Мшенецкий, Асхыс аалдағы Петропавловской Худай туразының пастагчызы игумен Викторин Тюндешев араласханнар.

Пазағы күнде анда нинче-де олған кірөске түзіріл парған. Чазытты улуг абыс Иоанн Будзар толдыр салған. Худайға тоғынысты улуг абыс Рустик Мшенецкий толдырған, хайда киртіністіглер паза кірөске түзіп алғаннар Христостың Ап-арығ Чазыдын алынғаннар.

От айының 10-чы күні. Худай Іезінің «Троеручица» иконазын үлүкүннечен күннің таңдади, паза Валаамдағы Худайғасын Сергейні паза Германни хумартхылачан күннің таңдади, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 11-ші күні. Худай Іезінің «Троеручица» иконазын үлүкүннечен күнде, паза Валаамдағы Худайғасын Сергейні паза Германни хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 11-ші күні. Ап-арыг пастагыпөзік илчилерні Петрны паза Павелні хумартхылачан күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 12-ші күні. Ап-арыг пастагыпөзік илчилерні Петрны паза Павелні хумартхылазын үлүкүннечен күнде, Ағбанның паза Хакас чирінің архиепискобы Ионафан Спасо-Преображенской кафедралық соборында Худайға тоғынысты толдырарынан устаан.

От айының 13-ші күні. Он ікі илчинің Чылылин үлүкүннечен күнде, Ағбанның паза Хакас чирінің архиепискобы Ионафан Худайға тоғынысты епархиядағы Он ікі илчинің адынан Худай туразында толдыр салған.



От айының 14-ші күні. Ап-арыг Косманы паза Дамианны хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 17-ші күні. Ханнның Чобагыны сыдааннарын хумартхылачан күнде, Ағбан епархиязынан Устапчатхан аркалайның чаксы сөс пиргенінен, кірөстіг чөріс полған.

Кірөстіг чөріс, хайзы 126 км. чағын полған, Тазоба ст, Тигей ст, Оросительнайны, Хапчал, Чарков улустарны, Пуур пилтірі аалны, Ербинской ст. иртіп, Сорыг саарда тоозыл парған.

От айының 17-18 күннерінде, Ағбанның паза Хакас чирінің Пёзкінапарығ архиепискобы Ионафан Троице-Сергиевской Лаврда Худайғасын Сергей Радонежскийні хумартхылазына ча-



рыдылған Худайға тоғынысты толдырарында араласхан.

От айының 18-19 күннерінде, Худайғасын Сергей Радонежскийні, хумартхылап, үлүкүннечен күнде, Ағбан епархиязының хутхадарчылары: Харатастағы улуг абыс Иоанн Будзар, Худайзар хығырчаннар пөлинин устагчызы улуг абыс Рустик Мшенецкий паза Пуур пилтірі аалдағы илбекчобагчы Георгий Победносеттің адынан Худай туразының пастагчызы иеромонах Венедикт (Емельянов) Ағбан пилтірі аймаандағы Чарков аалзар Худайзар хығырчан чорыхха сыхханнар.

70 илчинің адынан көс чөрчен Худай туразы-автобуста улуг абыс Рустик Мшенецкий Худайға тоғынысты толдырған, улуг абыс Иоанн аалның чуртагчыларынан чоохтазып алғанда, азых искіріг Чазыдын толдыр салған.

От айының 19-чы күнінде, Чарков аалның 19 чуртагчызы кірөске түзіп алған, анда 11 олған полған. Кірөске түзіріс Чазыдын улуг абыс Иоанн паза иеромонах Венедикт толдыр салғаннар.

От айының 21-ші күні, иирде, ап-арыгчобагчы Панкратийні, Тавроменийсктің епискобын хумартхылачан күннің таң-

Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 28-ші күні. Хачан Орыс Сынабланыстыг Тигіриб Орыс чирінің Кірөстегчизін, ап-арыг апостолгатиң илбек пиг Владимирні улуглапча, паза Орыс чирін Кірөстеенінен 1030-чы чыл толчатханын үлүкүннечен, тоғылах санны таныхтап, Ағбан епархиязында кірөстіг чөріс полған. Устапчатхан аркалай кірөстіг чөріснен устаан.

От айының 28-ші күні. Орыс чирін Кірөстеенінен 1030-чы чылы толчатханын үлүкүннечен, Сыра аалдағы Михайло-Архангельской Худай туразында, Худайға тоғынған соонда, Алтынзархы чаксыорынның округтың игумені Лазарь Казанцев, Владимир Костенко паза Владимир Старшын абыстары Туйм сүзар кірөстіг чөріснен парғаннар. Анда олар иліг кізіні кірөске түзір салғаннар.

От айының 28-ші күні. Тилекейдегі алтынчы Чылыгының ап-арыг адаларын хумартхылачан күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 29-чы күні. Тилекейдегі алтынчы Чылыгының ап-арыг адаларын хумартхылачан күнде, Ағбанның паза Хакас чирінің архиепискобы Ионафан, соборның абыстарынан хада, Худайға тоғынысты Спасо-Преображенской кафедралық соборында толдырған.

От айының 31-ші күні. Худайғасын Серафим Саровскийні хумартхылачан күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 1-ғы күні. Худайғасын Серафим Саровскийні хумартхылачан күнде, Ағбан епархиязы Ағбанның паза Хакас чирінің архиепискобы Ионафанның аркалай поларға хол салылғанынан 21-ші чылы толчатханын таныхтаан.

От айының 2-ші күні. Худайның ухаанчызы Илияны хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 4-ші күні. Ап-арыг апостолгатиң Мария Магдалинаны паза ап-арыгчобагчы Фокты, Синопийсктің епискобын хумартхылачан күнде, Ағбанның паза Хакас чирінің архиепискобы Ионафан Худайға тоғынысты Спасо-Преображенской кафедралық соборында толдырған.

От айының 4-ші күні. Худай Іезінің Почаевской иконазын үлүкүннечен күннің таңдади, Ағбанның паза Хакас чирінің архиепискобы Ионафан Хараағы Худайға тоғынысты Спасо-Преображенской кафедралық соборында толдырған.

От айының 5-ші күні. Худай Іезінің Почаевской иконазын үлүкүннечен күнде, Ағбанның паза Хакас чирінің Пёзкінапарығ архиепискобы Ионафан «Изербельде» форумға чылылыс парған сынабланыстыг чийттерге Худайға тоғынысты толдыр пирген.

ПАЙ ПАЗА ЧОХ КИЗИНИ ХУДАЙҒА ХАЙДИ КИРТИН ПОЛЧАТХАНЫНАР

Христос теен, пай кизе Тигирдеги Хан Худайнын Чиринзер кipi алганча, инге отире тибе оой ла иртип алар. Анзы пай кизилер Худайга киртин полбинчалер теени нимес. Олар даа Худайга киртин полчалар, че чирдеги ис-пайларына тартынып, олар Худайны удаа ундуп салчалар.

Мында сурыгны иди тургызарга кирек полча: пай кизини паза чох кизини чуртазында Худайга киртинис хайдаг орында полчатханынанар?

Киртинис киреенче чоннын аразында сураглар иртирбискенде, андаг ние сыгыс килген: «Чуртас сини чабыс полып, хызылып, чуртапчатхан хазналардагы кизилерни чуртазында Худайга киртинис бон орында полчатханын таныхтирга кирек полча».

Сураглар иртирчеткен омени тикси чир устундеги 114 хазналарда сурагларын иртир салган салтарлары хоостыра, пай хонхтыг хазналарда Худайга киртинис чабыс орында полчатханы таныхталган. Че ученайлар амгы тустарга читире аныг сылтаана нар таласчалар.

Данияна алай ба Францияна экономия сарина пик палгалыстыг полып аларга Россия, Белоруссия, Вьетнамга паза Эстония, чазыг хонхтыг чуртапчатханнары учун, угаа сидик польбысча.

Социологтар иди санапчалар, ол хазналарда социализм ур тустар ээленген сылтаанда, Худайга киртинист пазынып, Анна кuresкени учун, ол хазналардагы чоннын чуртазы чохсырап парган тип. Че андаг сагыс парох, Худайга киртинис экономиканы тобин пас салбинча паза идок кодир салбинча тип.

Итседе, чазыг хонхтыг хазналарда Худайга киртинген аар чуртасты тобыр парыбызарга польысча, че пай хазналарда андаг аар киректер асынах полчалар, хайда угредиг позик синде турча.

Че сынап экономиканы оделендрзе, хызылыстыг чуртас таа хыйа парыбызарчых.

Пир сарина корзе, США-да паза хай-пире кустиг хонхтыг хазналарда алай ба Заливтеги хазналарда, хайда нефьтти коп аныпчатхан хазналардагы чоннын киртиниси позик орында турчатханы хайыгны тартхан.

Хайди корчезер, мында улуг нимес, че угаа бон сурыглар турыбысчалар. Анзына нар пис сын-сабланыстыг кориснен сагын корербис. Хынза, мини сагызымнын чоризи хай-пире кизилерге хыныг даа пилдир парар.

Христостын состеринен, пай кизилер Тигирдеги Хан Худайнын Чиринзер кир полбастар теени, анзы ис-пайлыг кизилер Худайга киртиничелер теени нимес. Олар идок Худайга киртиничелер, че олар постарынын ис-пайларына айгазып, Худайнын алнында турып, Агаа пазырынарга удаа ундуп салчалар.

Иа, пай кизе, хайзы киртинистиг полча, Христосха сын киртинистиг полып алары угаа сидик кирекке айлан парча. Киртинистиг кизе Христостын соонча парча сын чолны таап алып, арачыланысты таап

алар учун, Чахсыхабар иди чоохтапча: «Сурынынар, паза сирерге пирл парар, тиленер, паза таап алар-зар».

Прай киректеен ниези читкиче полчатханна нар пай кизи пир дее ниени Худайнан, сурынып, тилениче. Пит прай агаа кирек ние-нооларны агаа тогынатхан кизилери, ол позы даа араласпаза, ит пирерлер. Че худынан чазыг пол парган чох кизи худайлыг сынны хараа-кунорте Худайнан сурынча. Ол идок чирде кустиг хонхтыг полып аларын идок Анна сурынча, анна нар андаг кизини чуртазынын ин не бон кире - Худайга киртин поларын киректепчеткени. Анна нар андаг кизер корип, пасха кизилер агаа тобй полып аларга кустенчелер.

Буддисттерни киртинизинен тиннестирзе, христостыг кизи Худайга пик паза тирен киртинистиг полча.

Хачан кизини прай кирек ниези читкиче полчатса, ол харнын тосхырып алчан ипекти тилебес, андада ол идок Худайны тилебес, анна нар киртинис аныг чуртазынын ин не бон кире полбас. Че Апарыг Пичикте иди пазылча, - «Сырайын тирлеп, син позынын ипегини тогынып ал турарзыг».

Пуунги кунге читире Европа, пазынып, тогындырып алган колонияларнын кизинен чыргаллыг чуртапча, хайда угаа коп хан тогил парган, паза, хайда Африканы паза Азиянын чоннарынын ниик кустери сылтаанда саны чох ис-пайны ол тогынып алган. Европадагы хазналар постарынын аймах-пасха киртинистиг обекелери ис-пайны анып алганнары сылтаанда, пу куннерге читире чыргаллыг чуртапча. Амды ол андаг синниг чуртасха чидип алган, хайда кизилер постарынын сырайлары тирлеенче тогынып, постарына чиистиг тогынып албинчалар.

Пуун кидерки хазналардагы чон пир дее астамах теен ниени чирде таарыбинчалар, че олар пасхаларын уретчен не уретчелер. Иди дее пол парарга айабас, хачан-полза олар даа прай испайларын тооза урет саларлар. Худайга киртинистиг чидир салганнары учун, иди дее пол парарга айабас. Андада социологтар хайдаг состерни сагын таап аларлар?

Худайга киртинистери сооп парганна нар Европадагы хазналар чохсырап парган тиерлер бе?

Тиктег нимес Апокалиписте иди чоохталча, халганчы тустарда Худайга прайзы киртинер. Угаа сидик тустар чагыннап килгенненер, хайзы олмге читире дее тарт салар, аныг учун, прайзы Худайны хыгырынарлар. Худай оларга ипекти паза палыхты сагамох пирзин тип, Анна хызарлар. Че андада Аныг ыырчызы - Антихрист, Анна пурнада чиде салар. Че амгы тустарда чирдеги чон пир дее ниени киректебинчеткенде, Антихрист тее чирзер ноо килер зе. Кемге амды ол кирек полар?

Амгы тустагы чон, анзына наука сарина корип, Худайга киринис - хызычатхан кизилерге ле кирек тип санапча. Худайга киртин полбинчатхан кизе пай хонхтыг чуртиры паза хазых полып алары ла кирек полча, хайзы тандагы кунге изенистиг



пирче. Кизи хазыхтан парза, позынын агыриина нар ундуп салча, анна нар ол позынын хыриндагы агырыг кизе айабинча. Сах идок пайып парган кизи хызылчатхан кизиненер сагыссырабинча. Андаг тас чуректиг кизи прай кизе кирек ние-нооны, идок хазыхты Худай пирчеткени пилерге хынминча. Прай анзын кор килзе, европадагыларнын киртинизи сын полбаан тиерге кирек полча.

Нога Худай амгы тустарда чуртапчатхан европадагыларны иди пайыт салган полчан, анзы чазыт кирек. Протестанттар хуттарын арачылап халар учун, Худайга алданмааннар, че олар читкиче испайны ла оларга пирерге Анна сурыганнар. Худай позынын созин сайбабинча, Ол теен: «Сурынынар, паза сирерге пирл парар». Ол позынын созин толдыр салган.

Че Европынын чоны Худайга киртинмес пол парган тиерге чарабазох, оларнын Худайга киртинизи сооп парган тиерге кирек полча. Оларга изиг хынысты хысчатхан Худай кирек чох пол парган. Оларга читкиче ле ис-пай кирек польбысхан. Анна ол ис-пай алтын козееге айлан парып, тур салган, хайзына олар хыртап алчалар, иди пай чуртап, хызылысты пилбинчелер. Че, хачан ол алтын козее тоозыл парза, андада Худайны хыгырынып, тигирзер холларын сунып, хысхырлар, - «Нога Син писти халгыс салдын?» тип. Анна олар постарынын пазына анзын таап аларлар, - сын Худайнын ыырчызын - Антихристти хыгырынып аларлар. Че ол ур нимес ле тусха прайзын азырап, тосхыр салар...

Че пистин дее киртинистиг полчатхан чоныбыс аразында оларга тобйлер таабыл парчалар. Пистин киртинизибистиг совет улгузи кустен чох ит салган. Анна нар пис амгы тустарда даа Худайны чох итчеткен конниг чуртапчабыс. Пистин пуунги чуртазыбысты узурерге ам даа ирте полар. Пистин андаг коризибистиг 2025 чылда кор корербис. Худайга киртинчеткен коннибис пасха араах пол парарга кирек; пуунгизинен тиннестирзе, 1990-чы чылларда пис хайди Худайга киртин полгабыс? Пистин киртинизибис 2020 чылларга хоза об парарга кирек. Пис чуртапчабыс, тогынчабыс, паза хайди-да Худайга киртин полчабыс.

Писти американецтернен тиннирге чарабинча, оларны киртинистиг учун, сурип, пазынып, одир салбааннар. Оларнын киртинистиг полчатханнары 96 % читче. Хайди оларны писнег тиннестирчен? Писти киртинизибис учун отнаг паза хылыснан ортененер...

Иркутск епархиязында 1941 чылда пир абыс таа, пир Худай туразы даа чох полган. Оларнын киртиниссер чолы туйухталбаан, че пис киртинизибис учун, угаа тыг хыстыргабыс, олмге читире...

Худайнын хынызы писке андаг илбек, иди пистин учун, Ол Кироске сых парып, олмни Позына алынган. Аныг хынызына тобй полып алар учун, пистин ап-арыг обекелерибис, хайзылары амды прай ниени чайап салган Худай-Чайачынын алнында тур салганнар, олар писти чой айнаныг холына оой ла пир салбастар, паза Худайны санаи ундуп саларга пирбестер. Анна нар анзына нар сагын саларга кирек полар: «Тигир магаа пир салган ниенен, хай-пире ниени мин ундуп салбаам ма?» тип.

Улуг абыс Вячеслав
Пушкарев



ОРҒАХ АЙЫНЫҢ 28-чІ КҮНІНДЕ - ХУДАЙНЫ ТӨРӨТКЕН ЖАРНА ХЫСТЫҢ УЗУБЫСХАНЫ

Худай Іезінің чирдегі чуртазы тоозылғаны үлүкүнн сарыннарында Тигіриб киртіністіг чүректіг кізінің омазы пастыра, ол улуг кирекке хайхапчатханын көртисче, хайзын піс пүүн өрініснен сабландырчабыс. Ол сарыннарда іди чоохталча: «О, хайхастың хайхазы, чуртастың Пасталғаны хомдаа салылча, паза тигірзер пасхыс - хомды полча». Хомдыда чуртастың Пасталғаны чатча, - Ол, Хайзы Позының Худайлыг Оолғына ит-сөбкті паза ханны сыйлаан. Ол, Хайзын піс прай Сынсабланыстыг Тигірибнен иң арыг Херувим паза тиннестірчее чох иң сабланыстыг Серафим тіп адапчабыс.

Худайлыг сөсті алыстыр полбас чозах андаг полча, хайзын Худай-Чайаачы пастагы кізее Позының садында чоохтаан: «Өлімнен син өл парарзын» (Быт. 2, 17). Андаг полча Худай көннің сыны - полған на чирде чуртапчатханы кізее, тузы читсе, өл парарга кирек полар. Ідөк пу өлімнің чозагынаң Иңчахсысөстіг Мария Хыс хыйлас полбаан, Хайзы пүүн Хан Худайда часкалыг узупча. «О, хайхастың хайхазы, - ап-арыг сарын чоохтапча, - тигірзер хомды - пасхыс пол парған!»

Киртіністіг чүректің хайхазы узарапча, ол чүрек пілче, Худай Іезінің иди-сөбгі хомдыда чат халбаан: Худай Оолгы Ин Ап-арыг Іезінің иди-сөбгін Тигірзер сах ідөк алып алған, Ол Узубысхан күнде, Аның өлімі чох худы тигірзер өөрлебискен.

О, Худайның хайхастыг кирее, Худай Іезінің иди-сөбгін күлге айлан парарынаң осхыр салған! О, Худайның иң не хыйга сагызы паза Худай Оолғының Позының Іезіне улуг хынызы!

Че, піс Ап-арыг Тигірибнен ол хайхасты ла сабландырарга хыгыртылбаабыс, хайзын піс поэбыстың худыбыснаң пүүн көрчөбіс: піс Худай Іезінен үгренерге хыгыртылчабыс, ол улуг кирекнең алып аларга, хайзын піс пүүн үлүкүннепчөбіс, піске анзы сын үгредіг ползын тіп. Чуртастың үгредіин паза өлімні піс, тоозылбас чуртастар парчатханнар, прайзыбыс киректепчөбіс. Анзы чох піс поэбыстың чазыктарыбыста узубысчабыс. Че Худай Іезінің Узубысханы прайзына кирек полчатхан Хан Худайның тоозылбас чуртазынзар устаг полчатханы.

Хачан піс өлімні алынып, хомдыда чат салған Худай Іезіні көрчөбіс, анзы полған на кізее, ідөк Худайның хыйыстырылбас чозагың алынарбыс тіп пістің сагызыбысха кирче: «...кізее пір ле хати өлерге кирек...» - чоохтапча ап-арыг илчі (Евр. 9, 27).

Сынап Иңчахсысөстіг Мария Хыс Позының иди-сөбгінең хомдыда чат халбаан полза, че Худайның улуг күстіг хайхазы пастыра, тигірзер көдірілібискен, піс тее, чазыхтыглар, поэбыстың иди-сөбгісінен күл-ойбаа даа айлан парған ползабыс таа, ідөк чирде чат халбасыс. Худайның сөзі піске чоохтаан, прай «өліглер Худай Оолғының хысхырғанын ис саларлар, паза, аны ис салып, тіріл парарлар» (ср.:Ин. 5, 25).

Худайның прайзынаң күстіг күзінен чирдегі чуртастың түгенчизінде, Худайның Хорыгыстыг Чаргызы алнында, Худай Оолгы чирзер ікінчизін Килзе, Архангелнің пырғызының табызын ис салып, чирде тоозыл парғаннар, прайзы ит-сөбктерінен, наачыланып, сіліг хубул парып, тіріл парарлар. Олар постарының хачан даа өлбес хуттарынан пірігіп алар үчүн, астап-сухсап, ағырып, чазып парған ит-сөбктерінен санай поэзып аларлар. Андада, хайди чоохтапча ап-арыг Павел илчі, піс, прайзыбыс өлімі чох худыбыснаң на нимес, че ор-хазых иди-сөбгісінен Худайның Чаргызы алнында турып алып, Хан Худайнаң ідөк көп чаксыны алай ба чабалны алынарбыс, іди піс чирде чуртапчаадып поэбыстың худыбыснаң на нимес, че иди-сөбгісінен дее чазыхха кір парып, Хан Худайны угаа тың тарыхтыр салғаныбыс үчүн.

Худай Іезі хас-хачангы тоозылбас чуртастар сабланыснаң парыбысхан. Че піс, чирде төрееннер, Ап-арыг Пічік пасханынаң, Хан Худайның алнында



ахтанып аларбыс алай ба хас-хачанга чарғылат саларбыс.

Полған на кізінің худы, чирде чуртап салғаны хоостыра тоозылбас чуртасха піріл парар, - Хан Худайның Чирінзар алай ба Аның ыгырчызының чирінзар - төбкідегі айнаның ханынзар тастал парар.

Хан Худайнаң хада чуртап, постың худын арачылап халарга күстеніп, аны чазыхтыг чабал паза чииркестіг киректернен хайраллап халар үчүн, Худайлыг тоозылбас чуртастың нимізі поэбызарга кирекпіс. Чазыгынаң поэзып полбаан: аргаас, поэзын арачылап халар үчүн, пу чирде иптг чуртап полбаан кізее ол үлүс пірілер, хайдар ол поэзын тимнеп салған, че, кем Христостың Позынзар хыгырчатхан үнін ис салған, че ол аны нимее салбаан, кем поэзын чабал хынысха пир салған, паза христостыг чүреен, хайзын Худайның Ап-арыг Худы кірбске түсчөткенде таңмалап салған, паза ап-арыг миронаң сүрткілеп салған, хайзынзар Хан Худай, Позының Тірігнічайапчатхан Чазыктары пастыра пір ле хати кил-парбаан, поэзының чирдегі чуртазы тоозылғанча Худайның Ап-арыг Худының чурты поларга тимнеп саларга кирек.

Пу чир үстүнде чуртирға төреп парғанда, анда иптг чуртирға паза ідөк иптг тоозыл парарга үгренерге кирекпіс. Пит, синзер паза минзер өлім пір ле хати чағын килер. Аннаң постың худын хас-хачанга чарғылат салбас үчүн, Худайның Чозагыңча, аны хыйыстырбин, чуртирға кирек.

Амды көр көреенер постарының чаксы көнліг көстеріннен Худайның сабланызынаң чарыпчатхан, Ап-арыг Хуттын сілінен сіліглел парған Иңчахсысөстіг Худай Іезінзар, Хайзы пу күнде часкалыг Узубысхан! Аның пазымның ондайы Аны Хан Худайның чурты идібіскен; Аның серафимніг арыг көнні Аны Худайның Іезі поларга турыстыра идібіскен; Аның сыдамахтыг хылии, Аның Худайга үзе пірін салған көнні, Аның арачылан халарынаң сухсааны паза Худайнаң санайға пірік парарга тартылғаны, Аны Тигірдегі паза чирдегі Хан-ипчіні иң не пөзік синінге көдір салып, Агаа часкалыг тоозыл парарын сыйлап пиргеннер.

Паза піске, прайзыбысха Худай Іезі үгредіні пирче, паза анзын сагысха кирче, іди сыбыра «Худай Чозагыңча чөреге кирек» тіп (Пс. 118, 4). Постың чүреен чииркестіг нименен осхырып алар үчүн, постың худын чаксы-чалахай киректернен сіліглел саларга кирек: Худайга хынып, паза сыбыра Агаа алданып. Пит, алнында полар чуртас - амгы чуртастың узарааны.

Амды үгренер, аарлыгларым, Худай Іезінің хомдызы хыринда турып алып, хайдаг ап-арыг үгредіні піске Ол пир салғанына. Поэзының чирдегі чуртазы тоозыл парар алнында, Ол алданаға удаа Елеон тағзар парыбысхан. Ол Позын сахтапчатхан өлімненер, Поэзының Худайлыг Оолғынаң пірік парарынаң сыбыра сағынчаң, Ол Позын чирдегі чуртазы тоозыл парарына тимнечен.

Полған на кізее поэзының чирдегі чуртазы тоозыл парарына посты тимнирге кирек. Иди пістің чүребіс санай чирге чапсын парбазын тіп, паза, хачан өлім чағыннап килзе, постың ит-сөбгінең чарылысчаадып, пурлуғыстыг паза часхарыг чох сыныхтағын пілбеске тіп, тоозылбас чуртастанар сыбыра сағынарга кирекпіс, хайзынзар піс өлім соонда кір парарбыс. Че, сынап өлім килзе, че пістің худыбыс тігі чирденер сағынмаан полза, хайзынзар ол кір парар, паза, хайзына ол тименерге кирек полған, іди полбин салза, аның худы кір парған наа чирінде, пасхаланып, ирееленер! Аның алнында Тигірдегі Хан Худайның Чирінің ізігі хас-хачанга чаабылх полар, хайда хыныс, арыг чуртас пар, паза, хайда ап-арыглар хайынчалар, хайдар постарының Худай пирген уйаттырчатхан сагызының кірін харах частарынаң чууп алғаннар кірчелер, - хуттыг алданыстарының ис-пайынаң паза чаксы-чалахай киректерінен паза Худайга киртініс одынаң, Агаа хынып, көйчөткен чалыннаң, паза ол хыныснаң, хайзын киртіністіг чүрек сыбыра хыгырынча.

Христостыг кізі, пу чирде чуртапчаадып, Ап-арыг Тигірибде алданыс пастыра поэзының чүрегін Худайның алнында асча, Аның тигірліг чаксы сөзін паза поэзыгыңы Аннаң сурынча, паза Аны, Худай пиргеннен, ап-арыг Чазыктар пастыра поэзына алынча.

Худай Іезінің чирдегі чуртазы тоозыл парар алнында, үс ле күн халғанда, хайди сірер иргі тустагы христостыг чоохтар пастыра пілчезер, Агаа архангел Гавриил түскен, паза Аның чирдегі чуртазы, түрче полза, тоозыл парарынаң Агаа искірген. Худай Позына сын кізілер пастыра, Аның тоозыл парар күніненер искірген. Піске, чазыхтыгларга, ол күн пілдістіг нимес.

Худай хыңча, іди піс поэбыстың эзін сагып-чатхан сын хуллар чілі, өлімніг тузыбысты сыбыра сахтирға кирекпіс. Худай ағырыларыбыс пастыра, піске ол тустанар сизіндірче. Ағырылар, хайзыларын Худай піске ысча, - пістің тоозыл парар тузыбыстың хабарчылары полчалар, полған на кізінің поэзының тузы пар полча. Че, піс Худайның хайраллазы пастыра, арса, чазыл таа парарбыс, іди чирде чуртачаң тузыбыс узарадыл таа парар. Худай піске ағырыларны ызып, хайди піс ит-сөбгібісті имнеп аларга күстенчөбіс, сах ідөк өлімі чох худыбыстанар сағын саларын піске пирче; чииркестіг киректернен поэзып алып, усхунзын, паза сыбыра маң чохтандырчатхан хуттыг сүгеннен поэзып алзын тіп.

Позының чирдегі чуртазы тоозыл парар алнында, Худай Іезі Позының прай ние-ноозын тарадыбысхан, - Позының колларынаң палғаан кибин паза хай-пірее пасха даа нимелерін Агаа поэлысчаң өкіс ипчелерге паза хыстарга пірібіскен. Тоозылар тузы чағыннапчатханда, Ол прайзынаң, Аның пырозын тастирға сурынған, паза прайзынаң Позының чаксы сөзін пирген. Аның часкалыг тоозыл парғанын, Аның адын ап-арыг илчелер паза тиксі чир үстүндегі христостыглар сабландырчалар.

Тігі чирзер парарга тимненчөдөп, піс сағынарга кирекпіс, пірдезі пістөнер хомай сағынмазын, паза піске хомзынмазын тіп. Иди піс тее худыбыснаң чазыг пол парып, пірееде хай-пірее кізілерні хомзындыр салгабыс. Изен-хазых туста прай ол ачырғастыг киректерні, хыныс пастыра, пыроланып, чаксы-чалахай киректерні чайап, түзет саларга кирекпіс...

Йа, пістің халғанчы тынызыбысха читіре, Тигірдегі Аданың паза Худай Іезінің сын палалары пол парарга Хан Худай піске поэлыс пирзін!